

1594
HARANGVE

FAITE

AVROY

PAR MONSEIGNEUR LE CARDINAL

DE RETZ

En presence de Monseigneur le Non-
ce du Pape, assisté de Messieurs du
Clergé, pour la Paix general.

Faite à Compiègne le onzième Septembre 1652.



A PARIS,
Chez ANTOINE L'ANGEVIN, au Mont Saint Hilaire.

M. DC. LII.

HARANGUE

FAITE

AVRIL

PAR MONSIEUR LE CARDINAL

DE RETZ

En présence de Monsieur le Nor
ce du Pape, assisté de Messieurs d
Clergé, pour la Paix general.

Fait à Compiègne le dixième Septembre 1621.



A PARIS,
Chez ANTOINE L'ANGEVIN, au Mont Sainct Eustache.
M. DC. LII.



HARANGVE FAITE AV ROT

*Par le Cardinal de Retz, Enpresence
de Monseigneur le Nonce du Pape,
& du Clergé pour la Paix generale.*



SIRE,

La qualité que ie porte en l'Eglise de Dieu, m'oblige tant plus aux Tres-humbles Remonstrances que ie fais à Vostre Majesté pour la Paix, qu'elle est pour l'employer au Ministère de celle dont vous este le Prince Souuerain. Je n'estime point qu'il y ait Monarque sur la terre qui ne voulut entendre à la conseruation de sa personne & de ses Principautez, particulièrement lors qu'elles se des-vnissent & se separent de la parfaite intelligence & liaison qu'elles ont tant entre elles, qu'avec leurs Princes. Quand vn corps a tou-

es ses parties entieres & vnies animées d'une
mesme intelligence, & qu'elles exercent leurs
fonctions dependamment les vnes des autres
par vne mutuelle & naturelle affection qu'elles
ont entre elles, le corps subsiste & iouyt des fruits
de la vie en se conseruant contre toute sorte
d'injures.

Ainsi est-il tres-facile à persuader, que quand
toutes les parties qui composent vn Estat sont
parfaitement vnies entre elles & avec les Prin-
ces qui en sont les plus notables & plus puissan-
tes parties il possède la vie & la tranquillité sous
le Souuerain nonobstant tous efforts con-
traires.

Mais quand elles se détachent, & qu'elles
ne sont plus animées que par des mouuements
de discordes, elles se destruisent & perissent.
Ce qui doit necessiter tout le corps à la recher-
che de la source & de la cause, auant qu'elle
tombe en ruine. Laquelle estant connue, il ne
sera non plus impossible de le guarir, qu'au
Medecin de garantir son malade lors qu'il a
appris l'origine de la maladie de son patient.

Or le plus grand danger, qu'il y ait, est
quand les memes parties en sont en debat;
comme quand deux Medecins consultent, &
sont d'avis contraires pour le remede necessaire
au malade. L'un a ses raisons qu'il estime deuoir
suivre: l'autre a les siennes toutes contraires.

Certainement les corps douez de qualitez
entièrement contraires, ne produiront iamais
aucune tierce substance, si leurs qualitez ne
sont rompues & reduites à certains degres de
temperamment.

Ainsi en est il des hommes qui composent
vne Republicque, s'ils se veulent roidir sans rien
ceder de leurs interests pour le bien public
qu'ils doiuent preferer, puis qu'en le ruinant ils
se ruinent eux memes.

S. I. R. E, en ce cas vous deuez agir comme
vn pere de famille en sa maison, qui pour oster
la diuision que l'Ennemy du Genre humain se-
me parmy les Enfans, fait vne parfaite enque-
ste de l'agresseur, sans aucune passion, que de
celle qu'il doit auoir commune enuers tous les
Enfans sans faueur. Ce que faisant, il rencon-
tre aisement l'Auteur de la diuision; ou s'il y
trouue des raisons de & part d'autre, qui semblent
balancer esgalement la cause de la querelle, ce
sera à luy d'arrester vne hayne, ou par sa cle-
mence, ou par sa prudence. Autrement com-
me l'auteur de discorde ne manque point
d'artifice pour la semer, aussi n'en manque-il
point pour la nourrir & entretenir, si le pere
n'y apporte vn prompt remede. Les parties
contraires en vn Estat ne manquent iamais de
beaux pretextes de leurs diuisions. Mais encore
qu'ils desguisent bien leurs entreprises, neant,

moins l'Estat n'en souffre pas moins, & cependant qu'ils aigrissent leurs animosittez, l'Estat tombe en peril de sa ruine, s'il n'y a quelque moyenneur qui les reconcilie.

C'est à vous, SIRE, comme au iuge & arbitre Souuerain d'examiner la cause des desordres & des pretextes sans vous attacher à aucun des parties contraires, d'autant que le Iuge preueni d'affection enuers l'une des parties contentieuses n'est plus capable d'estre leur iuge.

Partant vous deuez, SIRE, vous détacher entierement de ceux qui vous possèdent. Autrement vous seriez autant reprochable en cette cause, qu'un maistre, qui voudroit iustifier la cause d'un mauuais valet par sa propre bouche.

Certainement le vice commun aux domestiques, fauoris & officiers du Roy qui sont auprès de sa Personne, & de son Conseil priué, est la flatterie & le mensonge sous pretexte de deffendre l'autorité de leur Maistre.

C'a esté aussi un autre pareil deffaut aux Princes, qui les ont voulu escouter formans les oreilles à toutes Remonstrances, & ne donhant aucun accès libre pour estre bien informez des affaires qui les regardent: ou s'ils les ont escoutées, ils ne les ont voulu entendre que par interpretation & glose d'un mauuais Conseil.

L'Estat present de la Monarchie Françoisé, SIRE, requiert bien que vous employés tous

autre moyen pour arrester la suite de nos malheurs, que vos armes, par le conseil de ceux qui sont beaucoup moindres, & moins à vous que ceux que vous croyez vous estre aduersaires. Plusieurs années de nos diuisions vous doiuent faire croire, que ce party, qu'on dit vous estre contraire est plus considerable beaucoup, que celuy qui vous trompe.

Partant que vous deuez soigneusement entendre & meurement peser leurs raisons, sans vous aigrir en la croyance, qu'ils choquent vostre Royale autorité.

Certainement vous les condamneriez iustement s'ils auoient eu dessein de la destruire. Mais au contraire ils ont pris les armes pour la maintenir suivant les loix qui les y obligent, vous les deuez iustifier.

Or pour vous en rendre certain, examinez les Loix du Royaume, & les Ordonnances de vos predecesseurs. Elles doiuent seruir de Regles pour la iuste conduite de l'Estat de France. S'ils les ont transgressé ou aboly, ils sont punissables & dignes de vostre indignation. Mais s'ils s'y sont conformez il n'y a point de lieu de leur faire la Guerre. Mais le mal est, que vous ne verrez Ces Loix, que par la bouche de ceux qui vous diront en vous flattant que vous estes par dessus les Loix, & ne pouuez estre lié par les Ordonnances de vos deuanciers. On vous produira

la vie & les gestes d'un Roy, qui aura exercé la rigueur contre le peuple de Paris. Mais on ne vous fera point entendre les di-
 uerses causes des remuements populaires qui y sont arriués. On vous rendra tousiours criminels ceux qui se sont opposez, non à vostre iuste autorité: mais au mauuais Ministre de vostre Conseil. On vous fera le plus puissant de vostre race: Mais on ne vous dira point que Paris est plus tost apresent vne ancienne Rome déforcée qu'elle n'estoit iadis à comparer à la ville d'Ostie. On vous promettra que la faim la contraindra la corde au col à chercher pardon comme on faisoit au blocus: mais on ne vous dit point qu'elle peut passer sur le ventre de tous ceux qui l'entreprendront. On vous entretiendra d'un changement qui vous sera fauorable en faisant souffrir vos peuples par vne longue guerre & vexation. Mais on ne vous dira point qu'un peuple reduit au desespoir, se rend bien souuent inuincible par desespoir, les Holandois sont à vos portes & les Anglois.

Sans doute, S. I. R. E., si on ne preuenoit vostre iugement, vous auriez desia conceu la fourbe de vos Conseilles par tant d'allées & de venues du Cardinal Mazarin, que l'ayant opportunement congedié auant vostre Majorité, & iustement condamné au iour de vostre Majorité, vous ne pouuies sans irriter vos Princes & vos

Par-

Parlements, le iustement rappeler, au detri-
ment de tout vostre Royaume, comme vous
sçauiez trop bien, puisque vous auez iugé recem-
ment que pour la necessité des affaires, il le
falloit de nouveau exiler.

Or en ce faisant vous iustificés les Armes de
vos Princes, & les villes lesquelles les ont estimé
iustes. Que restoit-il donc à faire, si vostre Con-
seil n'estoit pernicieux iusque à l'extremité : y
auoit-il lieu de se restreindre pour vne Amnistie?
Falloit-il deliberer pour recevoir les Princes,
les Parlements & les Villes, puis que vous auiez
creu leur cause bonne par l'esloignement du
Cardinal Mazarin?

On ne peut conclure autrement, que leurs
demandes n'ayent esté iustes, si vous auez iuste-
ment banni Mazarin de vostre Cour.

Si vous y auez esté contraint, vous aurez tant
plus de raison de croire que vos Princes & vos
Parlements n'aurent rien voulu entreprendre
contre vostre autorité, puis qu'ils en auoient le
pouuoir, comme de vous obliger à chasser le
Perturbateur de leur repos.

Mais le meschant ne peut estre en repos, &
craint tousiours le chastiment de ses crimes.
Vostre Conseil vous a pensé mettre à couuert
par cét esloignement. Mais quel esloignement?
Estre aux portes de Paris, est-ce estre hors du
pouuoir d'auoir communication de toutes les

affaires de vostre Conseile reſter ſes créatures
aupres de vostre Majesté, est-ce esloigner Ma-
zarin? donner la plus forte Clef de France à vn
homme qu'on veut bannir, est-ce vouloir estein-
dre le feu allumé a cause de sa regence. Si vous
le iugez cause de la guerre intestine, pourquoy
le traiter avec tant d'auantage? Ne pensez vous
point, SIRE, qu'on croit que ce procedé n'est
qu'un desguisement pour mieux tromper? faut-
il que par vne grossiere dissimulation de vostre
Conseil toute la France entre en la deffiance de
son Prince?

Certainement, SIRE, la ruse par laquelle
on pretend vous voir vanger sur vos bons sujets
est fort indigne d'un Roy de France. Tout le Pro-
cedé de vostre Conseil se trouue tellement ri-
dicule, que vous tomberiez pareillement en la
risée de tout le monde, s'il procedoit de vous,
& si on n'attendoit de vostre bon Genie, vn plus
parfait esclarcissement de ce que vous auez à faire
plus vtile à vostre Estat, que ce que vous auez
fait iusque à present par vostre pernicieux Con-
seil. Quoy pourra-on croire à l'aduenir qu'un
Bourg plustost que Ville d'Estampes aura fait
perir vne Armée Royale, & soit demeurée li-
bre? Mais bien plus que vostre Royale person-
ne, y ait esté exposée, & y ait receu la honte, &
encouru le peril de mort? Quoy vne poignée
de gens abandonnés aura resisté à vne puissante

Armée Royale aux Fauxbourgs de Paris à la veüe de son Roy, qui sembloit par le mouuement de ce barbare Mazarin se resiouir du sang pitoyablement espendu de ses Sujets sur la Butte de Charonne?

Dieu sans doute a fait connoistre les secrets de ses Conseils pour preseruer la Ville Capitale de France de sac & de massacre. Sans doute, SIRE, le doigt de Dieu en cette rencontre vous a deub toucher, & vous donner apprehension d'un plus funeste desastre à l'aduenir, si vous ne cedeز à la iuste defensiue de vos fideles sujets en reconnoissant le malheur qui accompagne vos Armes dont vous ne pouuez que vous n'en receuiez honte & desplaisir à nostre grand regret.

Après tout vouloir abolir cet Auguste Parlement de Paris pour en establir vn nouveau composé de gens Partisans & interessz en la plus chetive de toutes les Bicoques de France, n'est-ce point publier l'impuissance de vostre Conseil pour la faire retourner sur vous, de ne pouuoir flechir ceux qui pour leurs interests comme vos Officiers de Iustice, pouuoient acquiescer à tous vos Edicts & Mandemens, sans se tant traussier pour la Iustice.

La Ville de Paris est elle d'estituée de Bourgeois sensez, sages & experimentez dauoir fermé ses Portes, non point à Vostre Majesté,

qu'elle a tousiours ardemment desirée dans son Enclos : mais à l'Estranger , qui n'aspiroit qu'à se rassasier du sang de ses plus notables & plus fideles & constans Bourgeois, à deffendre la liberté , & tout ensemble la gloire de Vostre Majesté.

Quoy vous tirez plus de subsides de Paris , que de plusieurs Prouvinces de France , qu'elle a tousiours payé & paye librement , & on vous veut faire croire qu'elle est rebelle , & qu'il la faut saccager?

Ce vous doit estre plustost suiet d'admiration , si on vous le faisoit entendre , comme il est à tout le monde , qu'une Ville si puissante se soit laissé charger de tant de tailles & impôts pour les entrées de toute sorte de danrées , voir mesme sur ce qui est necessaire pour sustanter la vie du peuple.

Enfin on s'est arresté sur vne formalité , qu'il n'est point raisonnable que le Roy ayt le demanty. Mais ya il gens assés temeraires d'avancer telle proposition , comme si les Princes les Parlements , & la Ville de Paris cherchoient cette gloire , ou plustost cette ignomine de vouloir que leur Seigneur & leur Roy receut vn dementy? Le valet qui decoit son Maistre , & qui luy fait commettre quelque iniustice , le Maistre aura-il le dementy ou le valet , quand le Maistre quittera la poursuite de la mauuaise cau-

se qu'il a entrepri separ la tromperie de son valet.
 Quelle apparence? Il est bien vrai si le Maistre,
 apres auoir esté suffisamment informé pour-
 suiuiroit vne mauuaise cause, il en receueroit l'af-
 front en la perdant : mais non autrement : On
 veut que le Roy s'opiniastre à vouloir aueugle-
 ment ce que les plus sages & les plus clairuoyans
 de son Royaume luy veulent faire connoistre
 estre contre son Estat & contre luy. Que ces
 mauuais Ministres recoiuent donc le dementy
 & l'affront de leurs iniques & malheureuses en-
 treprises & non Vostre Majesté.

Non non, SIRE, n'estimez point que les
 Armées des Princes n'y les arrests du Parlement
 vous regardent autrement que pour conseruer
 vostre Estat & retirer vostre personne hors de
 captiuité.

Croyez qu'à mesure que la hayne qu'ils ont
 conceüe contre ceux qui vous trompent aug-
 mente à mesme mesure l'honneur qu'ils doiuent
 à Vostre Majesté, & n'attendent que vous pre-
 niez les occasions de vous le faire auouer de
 vostre propre bouche. Ce qu'ils esperoient aussi
 tost que vous leurs en auez donné l'esperance
 par l'esloignement de l'Estranger Mazarin.

Mais le venin de vos aduersaires domestiques,
 n'est point encore entierement ietté. Ils ne vous
 quitteront iamais qu'apres que toutes les ruses

de la malice des hommes leurs manqueront.

Aureste personne ne doute, SIRE, de l'affection que vous avez pour tous vos Suiets ; aussi deuez vous croire, que le respect qu'ils doivent à Vostre Maïesté, n'a iamaïs esté alteré par les maux qu'ils ont souffert par la violence de vos Armées encore qu'elles fussent contre tout droit diuin & humain, puis qu'elles ont r'saccagé les peuples des Prouinces qui ne respi-oient qu'à vous adorer: & que si on vous à fermé les Portes, c'est que vous avez esté mesconnu de vos peuples, qui n'ont point accoustumé de voir leur Prince armé pour les ruiner: mais bien en train Royal d'un Roy pacifique conseruateur & protecteur de ses Peuples. Procedés d'óc, SIRE, en cette qualité, & vous entendrez vn raisonnement de *Vine le Roy*, qui retentira iusques au Ciel plus de cœur que de bouche de ceux qu'on vous represente tant criminels.

Acquiescez à leurs demandes. Que si vous en-triez en doute de leurs droites intentions, faites les iuger par vne Assemblée generale des Estats de France libre & legitime, & que là soient terminés tous les differents, qui separent ainsi malheureusement les parties du corps d'Estat a leurs desolations. Ce faisant, SIRE, vostre auctorité Royale reprendra son lustre par tout par la paix que vos peuples attendent de vous: le

culte de la Religion sera restably, apres le regne
 de tant de blasphemes & de sacrileges ; Ainsi
 Dieu sera adoré par tout, & vous triompherez de
 tous vos Sujets par vostre clemence pour ren-
 dre vostre Throsne stable & assuré comme nous
 l'apprenons du plus grand des Rois en ses Pro-
 uerbes chap. 20. 28. *Le Throsne du Roy est soustenu*
par Clemence.

FIN.

culie de la Religion sera restably, apres le regne
de tant de blaphemes & de sacrilege. & ainsi
Dieu sera adore partout, & vous triompherez de
tous vos Suivres par votre clemence pour tant
que votre Thronus stable & assure comme nous
l'apprenons de plus grands des Rois en les pro-
phetes chap. 10. 18. Le Thronus du Roy de Justice
par Clement

FIN.